



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ԵՐԵՎԱՆԻ ՔԱՂԱՔԱՅԻՆ ՀԱՄԱՅՆՔ**  
**ԵՐԵՎԱՆ ՔԱՂԱՔԻ ԱՎԱԳԱՆԻ**

**25 դեկտեմբերի 2012 թվական**

**ԱՐՁԱՆԱԳՐՈՒԹՅՈՒՆ N 8/2 Ա**

**ԵՐԵՎԱՆԻ ԱՎԱԳԱՆՈՒ 8-ԲԴ ՆՍՏԱՇՐՋԱՆԻ ԱՐՏԱՀԵՐԹ ՆԻՍՏԻ**

Մասնակցում էին՝ Երևանի ավագանու 48 անդամներ:

Նիստը վարում էր Երևանի քաղաքապետ Տ. Մարգարյանը:

Երևանի ավագանու նիստին հրավիրված էին Երևանի քաղաքապետի տեղակալները, Երևան քաղաքի գլխավոր ճարտարապետը, քաղաքապետարանի աշխատակազմի քարտուղարը, քաղաքապետի մամլո քարտուղարը, աշխատակազմի ֆինանսական, իրավաբանական, անշարժ գույքի կառավարման, կազմակերպական, տեղեկատվության և հասարակայնության հետ կապերի վարչությունների պետերը:

Նիստին ներկա էին ՀՀ ՁԼՄ-ի ներկայացուցիչներ:

Երևանի քաղաքապետ Տ.Մարգարյանը ներկայացրեց Երևանի ավագանու 8-րդ նստաշրջանի արտահերթ նիստի օրակարգը.

1. Երևան քաղաքի ավագանու 2011 թվականի դեկտեմբերի 23-ի N356-Ն որոշման մեջ փոփոխություններ կատարելու մասին:
2. Երևան քաղաքի ավագանու 2012 թվականի նոյեմբերի 28-ի N535-Ն որոշման մեջ փոփոխություններ և լրացումներ կատարելու մասին:
3. Երևանի քաղաքային համայնքում ավտոկայանատեղ կազմակերպելու իրավասությունը ֆիզիկական կամ իրավաբանական անձանց վերապահելու մասին:
4. Հողամասերի նպատակային նշանակությունը փոխելու մասին:
5. Գույք ընդունելու մասին:
6. Երևան համայնքի սեփականություն համարվող տարածքն անհատույց օտարելու մասին:

**1. ԼՍԵՑԻՆ** - Երևան քաղաքի ավագանու 2011 թվականի դեկտեմբերի 23-ի N356-Ն որոշման մեջ փոփոխություններ կատարելու մասին:

**ԶԵԿՈՒՑԵՑ** - Երևանի քաղաքապետարանի աշխատակազմի ֆինանսական վարչության պետ Վ. Արևշատյանը:

«Երևան քաղաքի ավագանու 2011 թվականի դեկտեմբերի 23-ի N356-Ն որոշման մեջ փոփոխություններ կատարելու մասին» Երևան քաղաքի ավագանու որոշման նախագծի վերաբերյալ պարզաբանումներ ներկայացրեց Երևանի քաղաքապետ Տ. Մարգարյանը:

**ՈՐՈՇՎԵՑ** – 1. Երևան քաղաքի ավագանու 2011 թվականի դեկտեմբերի 23-ի «Երևան քաղաքի 2012 թվականի բյուջեի մասին» N 356-Ն որոշմամբ հաստատված.

- 1) եկամուտների գումարն ավելացնել 49.5 հազար դրամով,
- 2) ծախսերի գումարն ավելացնել 49.5 հազար դրամով:

2. Երևան քաղաքի ավագանու 2011 թվականի դեկտեմբերի 23-ի «Երևան քաղաքի 2012 թվականի բյուջեի մասին» N356-Ն որոշմամբ հաստատված NN1-4 և 7 հավելվածներում կատարել փոփոխություններ՝ համաձայն սույն որոշման համապատասխանաբար NN1-5 հավելվածների:

**ՔՎԵԱՐԿՈՒԹՅՈՒՆ** – կողմ – 48  
դեմ – 0  
ձեռնպահ – 0

**Որոշումն ընդունվեց միաձայն**

**2. ԼՍԵՑԻՆ** - Երևան քաղաքի ավագանու 2012 թվականի նոյեմբերի 28-ի N535-Ն որոշման մեջ փոփոխություններ և լրացումներ կատարելու մասին:

**ԶԵԿՈՒՑԵՑ** - Երևանի քաղաքապետարանի աշխատակազմի իրավաբանական վարչության պետ Զ. Առաքելյանը:

«Երևան քաղաքի ավագանու 2012 թվականի նոյեմբերի 28-ի N535-Ն որոշման մեջ փոփոխություններ և լրացումներ կատարելու մասին» Երևան քաղաքի ավագանու որոշման նախագծի վերաբերյալ պարզաբանումներ ներկայացրեց Երևանի քաղաքապետ Տ. Մարգարյանը:

**ՈՐՈՇՎԵՑ** – 1. Երևան քաղաքի ավագանու 2012 թվականի նոյեմբերի 28-ի «Երևանի քաղաքային համայնքում տեղական տուրքերի 2013 թվականի դրույքաչափերը սահմանելու մասին» N 535-Ն որոշման 1-ին կետում կատարել հետևյալ փոփոխությունները և լրացումները.

- 1) 1-ին ենթակետի «ե» պարբերությունը շարադրել հետևյալ խմբագրությամբ.

«ե. 1001-ից մինչև 3000 քառակուսի մետր ընդհանուր մակերես ունեցող օբյեկտների համար՝ 350000 դրամ.»,

- 2) 1-ին ենթակետը լրացնել հետևյալ բովանդակությամբ «զ» պարբերությունով.

«գ. 3001-ից և ավելի քառակուսի մետր ընդհանուր մակերես ունեցող օբյեկտների համար՝ 700000 դրամ.»,

3) 4-րդ ենթակետը «ոգելից» բառից հետո լրացնել «և ակոնոլային» բառերով,

4) 6-րդ ենթակետի «ա» պարբերությունում «500 դրամ» բառերը փոխարինել «500 դրամ՝ մեկ քառակուսի մետրի համար» բառերով,

5) 6-րդ ենթակետը լրացնել հետևյալ բովանդակությամբ «դ» պարբերությունով.

«դ. հիմնական և ոչ հիմնական շինությունների ներսում հանրային սննդի կազմակերպման և իրացման թույլտվության համար տեղական տուրքը յուրաքանչյուր եռամսյակի համար՝ ըստ գոտիավորման, սահմանվում է համաձայն N 3 հավելվածի,

(4-րդ գոտում ընդգրկվում են N3 հավելվածում չներառված փողոցներն ու տարածքները):»:

6) լրացնել հետևյալ բովանդակությամբ 11.1-ին ենթակետով.

«11.1. Երևանի քաղաքային համայնքի անվանումն ֆիրմային անվանումներում օգտագործելու թույլտվության համար տեղական տուրքը ընթացիկ տարվա համար սահմանվում է՝ 200000 դրամ:»:

**ՔՎԵԱՐԿՈՒԹՅՈՒՆ** – կողմ – 48  
դեմ – 0  
ձեռնպահ – 0

**Որոշումն ընդունվեց միաձայն**

**3. ԼՍԵՑԻՆ** – Երևանի քաղաքային համայնքում ավտոկայանատեղ կազմակերպելու իրավասությունը ֆիզիկական կամ իրավաբանական անձանց վերապահելու մասին:

**ԶԵԿՈՒՑԵՑ** - Երևանի քաղաքապետարանի աշխատակազմի իրավաբանական վարչության պետ Զ. Առաքելյանը:

«Երևանի քաղաքային համայնքում ավտոկայանատեղ կազմակերպելու իրավասությունը ֆիզիկական կամ իրավաբանական անձանց վերապահելու մասին» Երևանի ավագանու որոշման նախագծի վերաբերյալ պարզաբանումներ ներկայացրեց Երևանի քաղաքապետ Տ. Մարգարյանը:

**ՈՐՈՇՎԵՑ** – 1. Երևանի քաղաքային համայնքի վարչական տարածքում գտնվող համայնքային սեփականությունը հանդիսացող ընդհանուր օգտագործման փողոցներում և հրապարակներում վճարովի ավտոկայանատեղ կազմակերպելու իրավասությունը վերապահել «Գնումների մասին» Հայաստանի Հանրապետության օրենքով սահմանված կարգով իրականացված մրցույթի արդյունքում հաղթող ճանաչված ֆիզիկական կամ իրավաբանական անձանց:

2. Հավանություն տալ Երևանի քաղաքապետարանի կողմից բանակցային ընթացակարգով՝ ավտոկայանատեղ կազմակերպելու ծառայությունների ձեռքբերման նպատակով նախաձեռնած գնման գործընթացին:

3. Սահմանել ավտոկայանատեղ կազմակերպելու ծառայությունների ձեռքբերման պայմանագրի հետևյալ հիմնական պայմանները.

1) պայմանագրի ժամկետը՝ 10 տարի.

2) ավտոկայանատեղ կազմակերպելու ծառայությունների մատուցման դիմաց վճարվող պայմանագրային գինը՝ փաստացի հավաքագրված տուրքի և գանձված վարչական տուգանքի հանրագումարի ոչ ավել քան 70%-ը, ներառյալ՝ ավտոկայանատեղի կազմակերպման հետ կապված ավտոկայանատեղի կազմակերպչի բոլոր ծախսերը:

**ՔՎԵԱՐԿՈՒԹՅՈՒՆ** – կողմ – 48  
դեմ – 0  
ձեռնպահ – 0

**Որոշումն ընդունվեց միաձայն**

**4. ԼՍԵՑԻՆ** – Հողամասերի նպատակային նշանակությունը փոխելու մասին:

**ԶԵԿՈՒՑԵՑ** - Երևանի քաղաքապետարանի աշխատակազմի իրավաբանական վարչության պետ Զ. Առաքելյանը:

**ՈՐՈՇՎԵՑ** – 1. Երևան քաղաքի վարչական սահմաններում գտնվող մի շարք հողամասեր փոխադրել այլ նշանակության հողամասերի կատեգորիա՝ համաձայն հավելվածի:

2. Երևանի քաղաքապետին՝ սույն որոշման 1-ին կետով հողամասերի նպատակային նշանակության կատարված փոփոխության մասին 10-օրյա ժամկետում օրենսդրությամբ սահմանված կարգով տեղեկացնել Հայաստանի Հանրապետության կառավարությանն առընթեր անշարժ գույքի կադաստրի պետական կոմիտեին և Հայաստանի Հանրապետության քաղաքաշինության նախարարությանը՝ կցելով սույն որոշման սահմանված կարգով հաստատված պատճենները:

**ՔՎԵԱՐԿՈՒԹՅՈՒՆ** – կողմ – 48  
դեմ – 0  
ձեռնպահ – 0

**Որոշումն ընդունվեց միաձայն**

**5. ԼՍԵՑԻՆ** – Գույք ընդունելու մասին:

**ԶԵԿՈՒՑԵՑ** - Երևանի քաղաքապետարանի աշխատակազմի իրավաբանական վարչության պետ Զ. Առաքելյանը:

**ՈՐՈՇՎԵՑ** – 1. Որպես նվիրաբերություն ընդունել Հայաստանի Հանրապետության կառավարության կողմից դյուրակիր համակարգիչ (Notebook) Fujitsu LIFEBOOK AH531: S/N YLDN283811 1 հատ 228.000 ՀՀ դրամ արժողությամբ գույքը՝ դրա նպատակային նշանակությամբ օգտագործելու պայմանով:

**ՔՎԵԱՐԿՈՒԹՅՈՒՆ** – կողմ – 48  
դեմ – 0  
ձեռնպահ – 0

**Որոշումն ընդունվեց միաձայն**

**5. ԼՍԵՑԻՆ** – Երևան համայնքի սեփականություն համարվող տարածքն անհատույց օտարելու մասին:

**ԶԵԿՈՒՑԵՑ** - Երևանի քաղաքապետարանի աշխատակազմի անշարժ գույքի կառավարման վարչության պետ Ա. Ամյանը:

**ՈՐՈՇՎԵՑ** – 1. Թույլատրել Երևանի քաղաքապետին Երևան համայնքի սեփականություն համարվող Աբովյան փողոցի հ.22 շենքի 66.8քմ ընդհանուր մակերեսով տարածքը սեփականության իրավունքով անհատույց օտարել (նվիրել) Մարիյա Օվակիմյանին:

**ՔՎԵԱՐԿՈՒԹՅՈՒՆ** – կողմ – 48  
դեմ – 0  
ձեռնպահ – 0

**Որոշումն ընդունվեց միաձայն**

**ԸՆԴՄԻՋՈՒՄ՝**

Նիստը վերսկսվեց ժամը 10.35-ին:

Երևանի ավագանու անդամների բանավոր հարցերին տրվեցին պատասխաններ /սղագրությունը կցվում է/:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

Արձանագրեց՝  
Ն. Ղուկասյանը